

全唐文

卷九百五十一之九百五十三

高無際	何據	楊頤	張耀	張淵	張存則	張鳴鶴	張子琳	王渭	王嵩岳	房元恪	唐南華	康元懷	凌正
高駁庭	何迴	楊成象	張文	張德昇	張彥震	張餘慶	張默之	王系	王子先	常暉	姜庭琬	康季子	
高思元	麻不欺	楊慎虛	張疇	張時敏	張真祥	張公入	張彥勝	王運元	王奉珪	常德志	彭朝曦	良士	
曹詵	楊迺	楊式宣	張憑	張處信	張元覽	張純如	張太古	王雄風	王延翰	常惟堅	湯浚	成震	
陶詠	楊濤	楊伯曦	張璜	張懷道	張彥振	張榮問	張叔弼	王重華	王筠	唐榮	康子玉	程嬰	

竹居攷虞

金 唐 文

卷九百五十九

唐 文 卷九百五十九

竹居跋

欽定全唐文卷九百五十目錄

高無際

井賦

漢武帝後庭鞦韆賦

并序


大明西垣竹賦

高敷庭

瑞麥賦

平露賦

高思元



對芝草白兔由刺史善政判

曹誥

對士祭判

對小吏陵上判

陶詠

對樂土判

何據

射楊葉百中賦

古鏡賦

鏡花賦

琥珀拾芥賦

何迴

焚柴賦

麻不欺

珮賦

衝牙賦

楊迺

舜歌南風賦

楊濤

握苗賦

庭燎賦

蟻穿九曲珠賦

巨鼇冠靈山賦

狐聽冰賦

水母目鰕賦

楊頤

對函人所掌張侯下網判

楊成象

對書齒判

對新作南門判

楊慎虛

心鏡賦

楊式宣

對水損免輸判

楊伯曦

對當襲偽暗判

欽定全唐文卷九百五十

高無際

井賦

若夫羣萌異質品物殊狀俱擾擾以祈生各營營而自養
莫不濟時爲要利物爲先法星文而鑿井規卦象而開泉
大舜垂功於茲日龐君著績於此年資坎德而成潤播靈
液而澄鮮潛流洞澈細影凝冽不以處幽而易清不以居
深而變潔於是雕以玉甃飾以銀牀棲永康之瑞鳥呈魯
國之羴羊持素綆以就汲引金甌而未央爾其紅桃春暎

若新妝之臨寶鏡朱李下垂疑明星之列玉池喜丁公之
得利懿嫫母之來窺至若鐵騎雷駭劒士雲列燕山之陳
欲舒疎勒之泉已竭旅客愁聚征夫思咽應下拜而將飛
表忠臣之高節此甘泉之神用也至若冬凝溫色夏湛寒
輝既不偏滋於隆重亦不減潤於卑微飲之咸濟汲之無
違輶將投而鳳沒錢始出而鳧飛此甘泉之普施也若乃
冲融表裏類彼君子鑒之無窮挹之何已悟帝王之無力
學仁者之往視徘徊銓庭思盡美矣

漢武帝後庭鞦韆賦

并序

臣無際才非馬融位叨麟閣屬秘書監博陵崔公畫鞦韆障而得一觀皓齒蛾眉徧於後庭鞦韆之歡樂焉考古之文苑惟鞦韆賦未有作况鞦韆者千秋也漢武祈千秋之壽故後宮多鞦韆之樂今因覩斯畫而善前名臣雖不敏謹述漢武後庭鞦韆賦以歌之詞曰

大哉漢武兮尊一人域中無事兮天下皆春豐比黍兮欲東巡風雨時若兮輝光日新百寮良哉六宮清謐外無金革之警內馭玉帛之逸王母呈益地之圖素女授延齡之術河鼓効職於永巷洛神負書而入室當是時也初度襟

驚之辰未屆親蠶之日鬪春服競新裳臨鏡臺耀殿堂態
越千金之態香殊百和之香下珠樓巡玉砌並伍徐出叢
三連袂照綠池而嬌多步晴天而影細妍兮雅佳兮麗爭
攀桃李之花競說間以紅綈叢嬌亂立以推進一態嬋娟
而上躋乍龍伸而螭屈將欲上而復低擢纖手以星曳騰
弱質而雲齊一去一來鬪舞空之花蝶雙上雙下亂晴野
之虹蜺徑如風捷如電倏忽顧盼萬人皆見香裾颯以牽
空珠汗集而光面時進時退以遊以遨類七縱而七捨期
必高而讓高第取其至樂靡辭其體勞徒觀其天仙步虛

飛鳥頡頏飛鳥不離於羽族天仙不舉而自上漢皇由是
闢昭陽臨未央歌虞舜誠幽王知所以失知所以昌察六
宮之間曠耗五綵之衣裳念一朝之罷織想十月之寒霜
俾遊者有禮乃輟而不荒豈茲賞之爲樂蓋欲習夫采桑
必令動也無害何必勞而有妨詔宮掖慕共姜克勤筐篚
之事繼美葛覃之章則知漢武之德與堯舜而齊芳於昭
聖王兮穆穆兮皇皇

大明西垣竹賦

嶰谷修篁移植仙堂左聯溫室之樹前對鳳池之芳一生

孤貞四時青蒨不爭麗於夏色不改貞於秋霰保此歲寒
之容得蔭宰衡之院露冕歷以珠綴風清冷而響繁雜金
絲於北掖對穠高於西垣曉視含煙朝窺捧日挺八桂以
獨秀與三槐而交密若夫制爲用也則笙可以下鳳凰笛
可以奏宮商筆可以播文章管可以調陰陽信無施而不
可若有待而韜光亂曰託根勝地今擢幹梢雲抱貞節兮
葱鬱氤氲若賞七賢之清曠不可一日無此君者也

高駘庭

瑞麥賦

聖人順動文思欽明天地貞觀品物咸亨去憑虛而就安
處面周洛而背咸京雲旗電發霜戟林行太陰用事其日
在斗萬國來庭百神奔走泉潛動而茲落水益壯而冰厚
冠異氣於繚垣吐嘉麴於寒藪不忌風雪全抽兩穗逼日
月之光華得雲雨之攸利芒纖纖而擢隴葉青青而聳翠
同黍谷之移暄類榆林之因地瑞紀增煥嘉禾異植出天
苑以稱奇訪人寰而未識凌玉霜而表勁挺金莖而孤植
顧擢穎於年和望生成於地力倬彼藩翰其代天工即漢
庭之相國類晉室之清通拜殊祥而北首列圖史於南宮

紆睟容於有穆冠鴻業而無窮實穎實粟是崇是奉可以
爲瑚璉之粢可以爲種稂之種偉長至之馭序同少陽之
在候成粒貴於鳥銜覆苗期於雉雒夫瑞也百王之珍事
其生也二儀之大德道泰則稱物呈形政乖則羣方皆忒
伊小草之何幸逢大人之允塞願均照於離明祈作禎於
王國

平露賦

惟唐累慶惟天眷命植平露之殊祥表吾君之睿聖不窺
於牖可以辨百寮之賢不下於堂可以觀四方之政其儀

可尚其義可覈平也者所以表太平之時露也者所以彰
雨露之澤以此知庶類光贊神功昭格也希代以出曠古
而無空嘗睹於青史獨有驗於祥圖借如嘉禾合穗且生
於隴畝萋蒲扇食未遠於庖厨孰與夫薦祉於彤庭之際
含榮於紫殿之前亭亭莖擢的的規圓屬乾坤交泰風烈
昭宣是以執正自守居中不偏偶香階之蓂莢對玉戶之
賓連以承君顧盼以奉君周旋非夫聖哲首出英賢在位
君臣同心上下一致五帝可以六三王可以四亦曷能感
於茲瑞如或政有所缺道有未光則低枝傾蓋應是知方